



Tlhokomelo Sepetleleng

Mna nka etsang?

Tlhokomelo sepetleleng e ikemisetsa ho etela bakudi le ba lelapa la bona, le ho ba abela Lentwe la Modimo, haholo-holo ba se nang bahaeno mona Bloemfontein (Mangaung). Tshebetso ena e okamelwa ke Moruti hammoho le basebetsi ba semoyo. Bakudi ba kang 17 000 ba hlola ba fumana tshehetso ena dipetleleng ka ketelo ya batho ba seng ba boletswe, kapa ka Zoom le ka YouTube.

- Modimo o tseba bokamoso ba rona. Re tshwanetse ho mo tshepa. Etlare ha o dumela ho Yena mme o mo tshepa o tla o nea tshepo le tiisetso.
- Ha o teana le mathata le ditsietsi, mme o ikutlwa eka o hlolwa ke mathata a hao, hopolo ho bea tshepo ya hao ho Modimo. Hopolang hore "Jehova wa makgotla o na le rona, Modimo, ke qhobosheane ya rona." (Pesaleme ya 46:10).
- Bala Lentswe la Modimo mme Moya o Halalelang o tla o tshedisa, o tla o matlafatsa mme o tla o etella pele. Modimo o re nea sebete le matla.

"Ke le siela kgotso, ke le fa kgotso ya ka; ha ke le fe kamoo lefatshe le fanang kateng. Pelo tsa lona di se ferekane, leha e le ho ba boi" (Johanne 14: 27).

O ka kopana le rona ka mokgwa ofe?

NGONGOREHO

1 Petrose: 7 – “Ditsietsi tsohle tsa lona le di rolele ho Modimo, hobane ke yena ya le baballang.”

Johanne 14:1 – Jesu o re: “Pelo tsa lona di se ferekane. Dumelang ho Modimo; le ho nna le dumele.”

Pesaleme 37:5 – “Ipee matsohong a Morena; o mo tshepe, ho tla sebetsa yena.”

Esaya 41:10 – “O se ke wa tshaba, hobane ke na le wena, o se tsielehe, hobane ke Modimo wa hao. Ke tla o matlafatsa, ke be ke o thuse, ke o tshehetse ka tsoho la ka le letona, ka tsoho le letona le etsang ho loka.”

MANTSWE A MATSHEDISO

Johanne 14:16–17 – “Ke tla kopa Ntate, mme o tla le nea Mothusi e mong, hore a be le lona ka ho sa feleng, e leng Moya wa nnete, oo lefatshe le ke keng la o amohela, hobane ha le o bone leha e le ho o tseba; lona le a o tseba hobane o dula le lona, mme o ka ho lona.”

Genese 28:15 – “Bona, ke na le wena, mme ke tla o sireletsa hohle moo o yang teng, ke be ke o kgotlisetse naheng ena. Ha nka ke ka o furalla, ho fihlela ke etsa seo ke se buileng ho wena.”

HO HLOKA TSHEPO

Baheberu 13:5 “Bophelo ba lona bo se ke ba buswa ke ho rata tjehelete. Le kgotsofalle seo le nang le sona, hobane Modimo ka boyena o itse: “Ha nka ke ka o lahla, kapa ka o furalla.”

Baroma 8:18 “Ke hopola hore bohloko ba nako ya jwale ha bo lokele ho lekangwa le tlotla eo re tla e senolelwa.”

LETSWALO

Pesaleme ya 112:7–8 – “A ke ke a tshoswa ke ho utlwa taba tse bohloko, pelo ya hae e matlafetse, o tshebile Morena; pelo ya hae e tiile, ha a tshabe letho, o tella ba mo lwantshang.”

KGATELLO KAPA TETEBELO YA MAIKUTLO

Pesaleme 18:28 “Ke wena ya pholosang setjhaba se hlophehileng, empa o kokobetsa baikgohomosi.”

Baroma 12:12 “Thabang ka baka la tshepo ya lona, mamellang matshwenyehong, tiisetsang thapelong.”

Tshenolo 21:4 “Modimo o tla hlakola meokgo yohle mahlong a bona, mme lefu ha le sa tla hlola le eba teng, esita le mahlomola, kapa dillo, kapa bohloko, hobane tsa kgale di fetile.”

*“Ha ke sa hlola ke batla ditlhaloso ho Jehova ka nkano,
empa ke a mo tshepa ka boikokobetso.”*

Philip Yancey: 1977